

*Түркістан облысы  
Төлеби ауданы  
«Бәйшешек» бөбекжайы»  
мемлекеттік коммуналдық қазыналық кәсіпорны*

**04-05**

**Педагогикалық кеңесінің  
хаттамалары және олардың  
құжаттары**

Тұрақты  
16 тармақ (9)

Қағаз жеткізгіштегі құжаттар  
және олармен бірдей  
электрондық құжаттар

**Басталуы 2021-2022 оқу жылы**

**2023-2024**

**Оқу жылы**

## Педагогикалық кеңестің хаттамалары

### №1 хаттама

**Өткізілген орны:** "Бәйшешек" бөбекжайы

**Өткізілген күні:** 31.08. 2023 жыл.

**Педкеңес мүшелерінің барлығы:** 11 адам

**Қатысқаны:** 11 адам

**Қатыспағандар саны:** жоқ

### Күн тәртібінде қаралатын мәселелер:

1. Жаз мезгіліндегі жұмыстардың қорытындысы.

Шаруа меңгерушісі: Арсланова А.

2. Қазақстан Республикасы Оқу- ағарту министрінің 2022 жылғы 3 тамыздағы № 348 бұйрығымен бекітілген «Мектепке дейінгі тәрбие мен оқытудың мемлекеттік жалпыға міндетті стандартымен және 2023– 2024 оқу жылына арналған әдістемелік нұсқау хатпен және 2012 жылғы 20 желтоқсандағы №557 бұйрығымен «Мектепке дейінгі тәрбиелеу мен оқытудың үлгілік оқу жоспарымен» таныстыру

Әдіскер: Бектемирова А.Е.

3. 2023 -2024 жаңа оқу жылының жұмыс жоспарын бекіту.

Меңгеруші: Ж.А.Булекбаева

4 . Бөбекжайдағы топтардың жасына қарай музыка, дене шынықтыру іс-әрекетінің қызметінің кестесін, перспективалық жоспарды, күн тәртібін және үлгілік оқу жоспарын бекіту.

Әдіскер: Бектемирова А.Е.

5. «Жаңа оқу жылына топтардың жұмысын ұйымдастыруға дайындық» атты тақырыптық тексеру қорытындысы.

Медбике: Потапова Н.В.

6. Мемлекеттік ЖМБС стандарты бойынша барлық топта дамытушы ортаны құру сапасын талдау.

Әдіскер: Бектемирова А.Е.

Баяндама 15 минут. Қаулылармен таныстыру 15 минут. Жарыссөзге шығу 15 минут. Анықтама беру 15 минут.

Жалпы уақыт: 1 сағат 30 минутта кеңес отырысын аяқтау.

**Сөйледі:** Педагогикалық кеңесті бөбекжай-бақша меңгерушісі Булекбаева Жанар Акбердіқызы ашып беріп, педагог қызметкерлермен жақынырақ танысып, өзін таныстырып, жаңа оқу жылының басталуымен құттықтады, тілектерін жеткізді. Күн тәртібінде қаралатын мәселелермен таныстырды.

**Тыңдалды:** Күн тәртібіндегі қаралатын бірінші мәселе бойынша шаруа меңгерушісі Арсланова Альмира бөбекжайда жаз мезгілінде жасалған



жұмыстардың қорытындысы туралы айтты. Бөбекжайдың ауласын, топтарды, асхананы, дәліздерді әктеу, сырлау жұмыстарының жүргізілгенін айтты.

**Жарыссөзге шыққандар:** бөбекжайдың әдіскері Бектемирова Акбота Есенгельдыевна сөйлеп, жаз мезгілінде күн тәртібі, жоспарға сай ойын-сауық іс-шаралар жоспарлары бекітіліп, жүргізілді. Қауіпсіздік ережелерін сақтап ойын-сауықтар өтті.

Жетістіктер, кемшіліктер сол уақытысында айтылып, талданып отырды.

**Тыңдалды:** Күн тәртібіндегі қаралатын екінші мәселе бойынша бөбекжай-бақша әдіскері Бектемирова Акбота Есенгельдыевна сөйлеп, Қазақстан Республикасы Оқу-ағарту министрінің 2022 жылғы 3 тамыздағы № 348 бұйрығымен бекітілген «Мектепке дейінгі тәрбие мен оқытудың мемлекеттік жалпыға міндетті стандартымен және 2023 – 2024 оқу жылына арналған әдістемелік нұсқау хатпен таныстырып өтті және Мектепке дейінгі тәрбиелеу мен оқытуды дамыту моделі 2021 жылғы 15 наурыздағы № 137 қаулысын еске түсіріп, шолу жасады. Өткен оқу жылындағыдай жаңа стандартта ұйымдастырылған іс-әрекеттер өткізудегі өзгерістерге қайта тоқталып, ұйымдастырылған іс – әрекеттің осы таңда қалай жүргізіліп жатқаны туралы айтты. Балалармен ойын түріндегі кірістірілген іс – әрекеттердің жұмыстары жайлы айтып өтті. Мектепке дейінгі тәрбиелеу мен оқытуды дамыту моделіне тоқталып, қандай бағыттар берілгені жайлы айтып, түсіндіру жұмысын жүргізді. Биылғы оқу жылына арналған әдістемелік нұсқау хатта жаңа стандарт пен модель бойынша жұмыс жүргізуіміз керектігі айтылғанын, ұйымдастырылған іс – әрекеттерді ойын түрінде одан әрі дамытып, сонымен қатар жаңа технологиялар қолдану арқылы өткізуге тапсырма берді.

**Жарыссөзге шыққандар:** тәрбиеші Кенжебекова Эльмира іс - әрекетті ойын түрінде өтудің жолдары туралы сұрақ қойды.

**Сөйледі:** әдіскер Бектемирова Акбота ойын түріндегі ұйымдастырылған іс – әрекет туралы сұраққа жауап беріп, үлгілік оқу бағдарламасындағы міндеттер бойынша перспективалық жоспар құрылатынын, міндеттерді орындау үшін балаларды ойната отырып, балаларды дамытып, күнделікті іс – әрекеттерді кіріктіріп өту керектігін айтты. Ұйымдастырылған іс – әрекетте жүктеме, сабақ кестесі болмайтынын тағы да түсіндірді.

Тәрбиеші Спатаева Айнур сөйлеп, ойын аймақтарын толықтыруға, тағы да жаңа ойыншықтар қосуға ұсыныс айтты. Бұл ұсынысты педагогтар түгел қолдады.

**Тыңдалды:** Күн тәртібінде қаралатын үшінші мәселе бойынша бөбекжай-бақша меңгерушісі Булекбаева Жанар Акбердіқызы сөз алып, 2023-2024 оқу жылына арналған жұмыс жоспарымен таныстырды.

Жылдық жоспардың мақсат, міндеттерімен және атқарылатын оқу тәрбие жұмыстарының мазмұнымен, ашық есік күндерінің, ертеңгіліктердің, баяндама, кеңестер, шебер сыныптардың тақырыптарымен таныстырып, айтып өтті. Биылғы оқу жылында жаңа стандартпен ұйымдастырылған іс-әрекеттерді, балалармен жасалатын жұмыстарды өткізуге әдістемелік көмек ретінде шебер сыныптар тақырыптары қосылғанын айтты. Педагогтар танысып болған соң, бірауыздан бекітуге ұсыныс айтты.

**Тыңдалды:** Күн тәртібіндегі төртінші мәселе бойынша әдіскер Бектемирова Акбота Есенгельдыевна сөйлеп, балабақшадағы топтардың жасына қарай тек қана мектепалды даярлық тобының іс – әрекет кестесімен, перспективалық жоспармен, күн тәртібімен таныстырып бекітуге ұсыныс айтты. Сонымен қатар апталық циклограмма жазу үлгісіне тоқталып, айтып өтті.

**Тыңдалды:** Күн тәртібіндегі бесінші мәселе бойынша медбике Потапова Наташа Васильевна «Жаңа оқу жылына топтардың жұмысын ұйымдастыруға дайындық» атты тақырыптық тексеру қорытындысын айтты. Топтардың жұмысында санитарлық талаптар сақталу үшін әр топта жүргізілген дайындық жұмыстарының қандай дәрежеде орындалып тұрғаны туралы анықтама берді. Талап бойынша дезинфекциялау және жуу құралдарының, антисептиктердің, жеке қолдану құралдарының толық болуы қамтамасыз етілді. Топтардың, асхананың, бөбекжай ғимаратының басқа жұмыс бөлмелерінде дайындық жұмыстары жақсы деңгейде екенін айтты.

**Жарыссөзге шыққандар:** бөбекжайдың меңгерушісі Булекбаева Жанар Акбердіқызы сөйлеп, тазалық талаптары туралы айтты.

**Тыңдалды:** Күн тәртібінде қаралатын алтыншы мәселе бойынша әдіскер Бектемирова Акбота Есенгельдыевна Мемлекеттік ЖМБС стандарты бойынша барлық топта дамытушы ортаның жинақталуы туралы сөйледі. Балалардың жан –жақты дамып, өсуіне дамытушы ортаның толық жабдықталуының маңызы зор екенін айта келе, ойын бұрыштарының, кітап бұрышы, ұлттық бұрышы, дамытушы ойыншықтар бұрыштарының толық емесін айтып, жаңалап толықтыруға ұсыныс айтты.

### **Педагогикалық кеңестің шешімі:**

1. Қазақстан Республикасы Оқу- ағарту министрінің 2022 жылғы 3 тамыздағы № 348 бұйрығымен бекітілген «Мектепке дейінгі тәрбие



мен оқытудың мемлекеттік жалпыға міндетті стандартымен және 2023 – 2024 оқу жылына арналған әдістемелік нұсқау хатпен және Мектепке дейінгі тәрбиелеу мен оқытуды дамыту моделі 2021 жылғы 15 наурыздағы № 137 қаулысында көрсетілген талаптар орындалсын.

2. 2023-2024 жаңа оқу жылының жұмыс жоспары бекітілсін.
3. Бөбекжай-бақшадағы топтардың жасына қарай ұйымдастырылған іс-әрекеттер кестесі, перспективалық жоспар, күн тәртібі және үлгілік оқу жоспары бекітілсін.
4. «Жаңа оқу жылына топтардың жұмысын ұйымдастыруға дайындық» атты тақырыптық тексеру қорытындысы жақсы деп бағаланып, санитарлық талаптарды сақтау бойынша жұмыстар жалғастырылсын.
5. Мемлекеттік ЖМБС стандарты бойынша барлық топта дамытушы ортаны құру дидактикалық материалдармен толықтырылсын.

Педагогикалық кеңес төрағасы

Хатшы:



Булекбаева Ж.А.

Бектемирова А.Е.

**Педагогикалық кеңестің хаттамалары  
№2 хаттама**

**Өткізілген орны: «Бәйшешек» бөбекжай-бақшасы»**

**Өткізілген күні: 29.11.2023 жыл.**

**Педкеңес мүшелерінің барлығы: 10 адам**

**Қатысқаны: 10 адам**

**Қатыспағандар саны: жоқ**

**Күн тәртібінде қаралатын мәселелер:**

1. Өткен педагогикалық кеңестің шешіміне есеп
2. «Денсаулық» бұрышының жабдықталуы және таңертеңгілік жаттығулар кешенінің, ұйқы ашар, сергіту жаттығулар жиынтығының жинақталуы. Байқаудың қорытындысы
3. Баяндама: «Мектепке дейінгі жастағы балалардың шығармашылық қабілетін дамыту» тәрбиешілерге кеңес
4. «Дене шынықтыру» ұйымдастырылған іс-әрекетінің тақырыптық тексеру қорытындысы

**Жалпы уақыт: 1 сағатта кеңес отырысын аяқтау**

**Сөйледі:** Педагогикалық кеңесті бөбекжай-бақша меңгерушісі Булекбаева Жанар Акбердіқызы ашып, күн тәртібіндегі қаралатын мәселермен таныстырды.

№1 педагогикалық кеңес шешімінің орындалуы туралы сөйледі. 2023-2024 оқу жылдарының жылдық жұмыс жоспары, топ бойынша жылдық жоспарлары, ұйымдастырылған іс-әрекет кестелері бекітіліп, жүргізіліп жатқанын айтты.

**Сөйледі:** күн тәртібіндегі екінші мәселе бойынша әдіскер Бектемирова Ақбота Есенгельдыевна сөйлеп, «Денсаулық» бұрышының жабдықталуы тақырыбында бақылаудың нәтижесі туралы және таңертеңгілік жаттығулар кешенінің, сергіту жаттығулар, ұйқыашар, сергіту жаттығулар жиынтығының жинақталуы туралы сөйледі. Ортаңғы «Балбөбек», ортаңғы «Балапан», ересек «Звездочка», мектепалды даярлық «Вишенка» топтарындағы денсаулық бұрышының жабдықталуы тексерілді. Барлық топта денсаулық бұрышы бар, обручтар, кеглилер, кедергілер, арқан, секіргіштер т.б. құралдар бар, дегенмен тағыда спорттық ойын-сауықтарға қосымша спорттық құралдар қажет, әр топқа волейбол және футболға арналған доптар қажет екенін айтты. Таңертеңгілік жаттығулар барлық топтарда кестедегі күн тәртібі бойынша жасалынып жатыр.

**Тыңдалды:** Күн тәртібіндегі қаралатын үшінші мәселе бойынша бөбекжай әдіскері Бектемирова Ақбота Есенгельдыевна тәрбиешілерге



«Мектепке дейінгі жастағы балалардың шығармашылық қабілетін дамыту» тақырыбында баяндама оқыды.

Балалардың шығармашылық қиялы мен қабілетін дамыту, олардың практикалық дағдыларын иемденуі сәбилік кезеңнен басталады. Балалар тілді меңгере отырып, заттарды, олардың қасиеттері, белгілері туралы білімді игере бастайды. Мектепке дейінгі балаларға арналған көркем шығармалар баланы шынайы болмысты нақты әрекетімен таныстыра отырып, оны көркемдеп, баяндап, баланың сөздік қорын молайтып, тілін байытады, көркем өнерге қызығушылығын арттырып, шығармашылық қабілеттерінің ашылуына мүмкіндік береді. Мектеп жасына дейінгі балалар сурет өнерімен жалпы топтың ұйымдастырылған іс-әрекетінен тыста, ойынға бөлінген уақыт мезгілінде де шұғылдануға болады. Тәрбиеші бұл ынтаны алған сурет салу дағдыларын қолдануда баланың шығармашылығын қолдап отыруға мүмкіндік жасауы қажет. Жалпы келгенде, бейнелеу өнерін стандарт бойынша үш топқа бөлеміз.

*Әдіс-тәсілдер.*

Осы бойынша ұйымдастырылған оқу іс-әрекетінде тәрбиеленушілердің дарындылығын дамытуда әртүрлі әдіс-тәсілдерді пайдаланамыз.

Құммен сурет салу; Бір басылым; Бастырма; Нүктелі арқылы сурет салу;

Әртүрлі заттарды пайдалану арқылы далаппен сурет салу;

Сия тамшысымен саусақпен сурет салу. «Жіп» графикасы, тіс пастасы.

Бейнелеу әрекеті үрдісінде балалар бірқатар іскерліктер мен дағдыларды меңгеріп, заттар мен қоршаған әлем құбылысын талдауға үйренеді. Бейнелеу іс-әрекеті барысында тәрбиенің сенсорлық ақыл-ой, эстетикалық, адамгершілік алуан түрлі жақтары жүзеге асырылады. Бала ақыл-ой операцияларының негізінде өз жұмысының нәтижесін ойша елестетіп алып, содан кейін әрекет ете бастайды. Олар іс-әрекетке кірісер алдында өздерінің қалыптасқан түсініктерінің негізінде ақыл-ойдың алға қойған міндеттерін шешу үшін оны жүзеге асырудың әдістерін іздестіреді. Бала бойындағы шығармашылық қабілетті дамытуда оған педагогикалық басшылықты қажет етеді. Көзге көрсете отырып, оның қалай салатынын және оңайдан қиынға, қарапайым түрден күрделіге ауысу жолын қарастыру.

Сурет салу кезінде бала әртүрлі сезімде болады: қуанады, ойынан шықпай қалса ренжиді және т.б. кейбірі табысқа қол жеткізуге талпынады, кейбірінің қызығушылығы басым болады. Осы кезде тәрбиешінің сезімталдықпен қарап көмекке келуі қажет. Сурет салған кезде бала үйренеді, қоршаған орта туралы түсінігі тереңдеп нығая түседі. Баланың психикалық дамуында бұның маңызы зор. Яғни, бір затты бейнелей отырып бала оның сюжетін жасайды, ол туралы өз сезімін көрсетеді. Бұл жерде Аристотельдің мына сөзін есте ұстау қажет. «Сурет салу баланың жан-жақты дамуына жағдай жасайды». -деп баяндамасын аяқтады.

**Сөйледі:** күн тәртібіндегі төртінші мәселе бойынша әдіскер Бектемирова Ақбота сөйлеп, «Дене шынықтыру» іс-әрекетінің барысы туралы тақырыптық тексеру қорытындысы туралы сөйледі. «Дене шынықтыру» іс-әрекеті «Мектепке дейінгі тәрбие мен оқытудың үлгілік оқу бағдарламасына»



сәйкес ортаңғы (3-жастан), ересек (4-жастан), Мектепалды даярлық (5-жастан бастап) топтарында жас ерекшеліктеріне сай жоспарланып өтілуде. Күнделікті ұйымдастырылған әс-ірекеттің өтілу барысын бақылау кезінде кемшіліктері айтылып, кемшіліктер дер кезінде жойылып, талапқа сай өткізіліп жатыр.

### Педагогикалық кеңестің шешімі:

1. Өткен педагогикалық кеңестің шешімі «жақсы» деп бағалансын.
2. «Денсаулық» бұрышының жабдықталуы және таңертенгілік жаттығулар кешенінің, ұйқышар, сергіту жаттығулар жиынтығының жинақталуы жалғастырылсын.
3. «Мектепке дейінгі жастағы балалардың шығармашылық қабілетін дамыту» атты баяндама айтылған мәселелер тәрбиелік шараларда қолданылсын.
4. Дене шынықтыру ұйымдастырылған іс-әрекетінің тақырыптық тексеру қорытындысы «жақсы» деп бағалансын.

Педагогикалық кеңес төрайымы



Ж.А.Булекбаева

А.Е.Бектемирова

**Педагогикалық кеңестің хаттамалары  
№3 хаттама**

**Өткізілген орны: "Бәйшешек" бөбекжай-бақшасы»**

**Өткізілген күні: 30.01.2024 жыл.**

**Педкеңес мүшелерінің барлығы: 10 адам**

**Қатысқаны: 10 адам**

**Қатыспағандар саны: жоқ**

**Күн тәртібінде қаралатын мәселелер:**

1. Өткен педагогикалық кеңестің шешіміне есеп
2. Баяндама «Ойын арқылы баланы дамыту және тәрбиелеу»
3. Балалардың шығармашылық құзіреттілігін дамыту мақсатында «Қыс кереметі» шебер қолдар көрмесінің қорытындысы
4. Балалардың - Физикалық қасиеттерді дамыту;
  - коммуникативтік дағдыларды дамыту;
  - танымдық және зияткерлік дағдыларды дамыту;
  - шығармашылық дағдыларын, зерттеу іс-әрекетін дамыту;
  - әлеуметтік-эмоционалды дағдыларды қалыптастыру бойынша балалардың – аралық мониторинг қорытындысы

Жалпы уақыт: 1 сағатта кеңес отырысын аяқтау

**Сөйледі:** Педагогикалық кеңесті бөбекжай-бақша меңгерушісі Булекбаева Жанар Акбердіқызы ашып, күн тәртібіндегі қаралатын мәселермен таныстырды.

№2 педагогикалық кеңес шешімінің орындалуы туралы сөйледі. Дене шынықтыру іс-әрекетіне қажетті құрал жабдықтардың (доп, секіртпе, обруч т.б) толықтырылып жатқанын айтты.

**Тыңдалды :** күн тәртібіндегі екінші мәселе бойынша әдіскер Бектемирова Ақбота Есенгельдыевна «Ойын арқылы баланы дамыту және тәрбиелеу» тақырыбында баяндама оқыды. Ойын – балалар үшін күрделі әрекет, ол білімді, ақылды ұйымдастыруды қажет етеді. Ал білімді бала қайдан алады? Оған бала ойын арқылы өзі үйренеді, үлкендер де үйретуге тиіс. Ойынның өз мақсаты, жоспары, арнайы заттары, т.б. көптеген ерекшеліктері болады. Ойын – балалардың негізгі іс – әрекетінің бір түрі. Ойын арқылы бала өмірден көптеген мәліметтер алады, өзінің психологиялық ерекшеліктерін қалыптастырады, яғни ойын арқылы бала білім алады. Бала зейіні қажет



ететін, әдейілеп ұйымдастырылған ойындар оның ақылын, дүниетанымын кеңейтеді, мінез – құлқын, ерік – жігерін қалыптастырады. Аса ірі психологтардың айтуы бойынша, бала ойын үстінде қандай болса, өскенде еңбекте де сондай болады. Ойын – адамның өмір танымының алғашқы қадамы. Жас сәбидің өмірі, қоршаған ортаны танып, еңбекке қатынасы, психологиялық ерекшеліктері ойын үстінде қалыптасады. Балалар ойын барысында өздерін еркін сезінеді, ізденімпаздық, тапқырлық әрекеті (сезіну, қабылдау, ойлау, зейін қою, ерік арқылы байқалады.) Түрлі психологиялық сезім әрекетіне сүңгиді. ойын үстінде бала бейнебір өмірдің өзіндегіндей қуаныш пен реніш сезімінде болады. Мектеп жасына дейінгі баланы дамытатын, өсіретін, әрі тәрбиелейтін де негізгі іс – әрекет ойын. Ойын арқылы бала қоршаған ортамен, адаммен, олардың еңбегімен, қарым – қатынасымен танысады. Ойын арқылы олардың ой-өрісі дамиды. Ойын үстінде балалар әртүрлі рөлде жолдастарымен қарым – қатынас жасауға, ойын үстінде ойлана отырып жауап беруге, қиялдауға, елестетуге қабілеттері қалыптасады. Сөздік ойындары балалардың ойлау, есте сақтау қабілеттерін дамытады. Ойыншықтарды пайдалана білуге үйренеді деп бірнеше ойын түрлерін мысалға келтіріп сөзін аяқтады.

**Тыңдалды:** Күн тәртібіндегі қаралатын үшінші мәселе бойынша бөбекжайдың тәрбиешісі Турдалиева Гулжан сөйлеп, балалардың шығармашылық қабілетін дамыту, қыс мезгілінің ерекшеліктерін ажырата біліп, қыс бейнесін бейнелеп үйрену мақсатында өткізілген «Қыс кереметі» шебер қолдар көрмесінің қорытындысы туралы сөйледі. Мектепалды даярлық «Вишенка», ересек «Звёздочка», ортаңғы «Балбөбек» және ортаңғы «Балапан» тобының балаларының арасында шебер қолдар көрмесі ұйымдастырылды. Балалар өз ой-қиялдарымен «Қыс кереметі» тақырыбында ата-аналарымен бірлесіп түрлі қол бұйымдарын жасады. Балалардың қыс мезгілінің ерекшеліктерін бейнелеп жасауға деген қызығушылықтары артқанын айтты. Балалардың жұмыстары көрмеге қойылып, топтар арасында орындар белгіленіп, алғыс хаттар берілді.

**Сөйледі:** күн тәртібіндегі төртінші мәселе бойынша әдіскер Бектемирова Ақбота сөйлеп, балалардың құзыреттілігін қамтамасыз ету, аралық мониторинг нәтижесі туралы сөйледі. Балалардың білімі күнделікті ұйымдастырылған іс-әрекеттер биылғы стандарттағы өзгерістермен талапқа сай жүргізілуіне байланысты жақсы көрсеткіштер көрсеткенін және қабілеті төмен балалармен жұмыстар жүргізілгенін айтты. Балалардың қабілеттері бағаланып, жеке даму карталары толтырылды.





**Педагогикалық кеңестің хаттамалары  
№4 хаттама**

**Өткізілген орны: «Бәйшешек» бөбекжай-бақшасы»**

**Өткізілген күні: 27.03.2024 жыл.**

**Педкеңес мүшелерінің барлығы: 10 адам**

**Қатысқаны: 10 адам**

**Қатыспағандар саны: жоқ**

**Күн тәртібінде қаралатын мәселелер:**

1. Өткен педагогикалық кеңестің шешіміне есеп
2. Дөңгелек үстел: "Мектепке дейінгі тәрбие мен оқытудың үлгілік оқу бағдарламасын оқып үйрену"
3. Баяндама: «Баланың шығармашылық қабілетін дамыту жолдары»
4. Оқу - тәрбие жұмыстарының өткізілу барысы туралы
5. Дидактикалық ойындар картотекаларының көрмесі тақырыптық тексеру қорытындысы

**Сөйледі:** Педагогикалық кеңесті бөбекжай-бақша меңгерушісі Булекбаева Жанар Акбердіқызы ашып, күн тәртібіндегі қаралатын мәселермен таныстырды.

Өткен №3 педагогикалық кеңес шешімінің орындалуы туралы айтып өтті.

**Сөйледі :** Күн тәртібіндегі екінші мәселе бойынша әдіскер Бектемирова Ақбота сөйлеп, «Үлгілік оқу бағдарламасын оқып үйрену» тақырыбында бір – бірімізбен пікір алмасып, дөңгелек үстел өткізілетінін айтты.

"Мектепке дейінгі тәрбие мен оқытудың үлгілік бағдарламасы" (Қазақстан Республикасы Оқу-ағарту министрінің 2022 жылғы 14- қазандағы №422) бұйрығы негізінде мектепке дейінгі ұйымда тәрбиеленушілердің жас ерекшеліктеріне сай үлгілік оқу бағдарламасы бойынша қандай білім - біліктілік дағдыларын меңгерулері қажет екенін және қандай күтілетін нәтижелерге жету керектігі жайлы айтып, педагогтармен пікір алмасты.

**Жарыссөзге шыққандар:** ортаңғы «Балбөбек» және «Балапан» тобының тәрбиешілері Спатаева Айнур, Наримбаева Улжалғас, Турдалиева Гулжан, Жунисбекова Ақдидар өздері тәрбиешілік қызмет атқаратын ортаңғы топ бүлдіршіндерінің жас ерекшеліктеріне сай үлгілік оқу бағдарламасы бойынша қандай білім - біліктілік дағдыларын меңгерулері қажет екенін және қандай күтілетін нәтижелерге жету керектігі жайлы ерекшеліктерін айтып берді.

Ересек «Звездочка», тобының тәрбиешілері Кудайбергенова Куляш,



Шакирова Молдир ересек тобы бүлдіршіндеріне үлгілік оқу бағдарламасы бойынша нені меңгерту керек екені жайлы айтты.

Мектепалды даярлық «Вишенка»тобының тәрбиешілері Серикбаева Гульнара,Канапиянова Алия мектепалды даярлық тобының үлгілік оқу бағдарламасының міндеттері жайлы сөйледі.

Дөңгелек үстелді қорытындылай келе жас ерекшеліктеріне сай үлгілік оқу бағдарламасы бойынша бүлдіршіндерге нені меңгерту керек екендіктері жайлы мәлімет алып, оқып үйренді.

**Сөйледі :** Күн тәртібіндегі үшінші мәселе бойынша тәрбиеші Турдалиева Гульжан «Баланың шығармашылық қабілетін дамыту жолдары» тақырыбында баяндама оқыды.

Балаларға білім беруде ,адамгершіліктің ең құнды қасиеттерін бойына сіңіріп тәрбиелеуде,білім мекемелерінен,ұстаздардан, әрине ата-аналардан шығармашылық себептерді талап етеді.Тәрбиелеу, білім беру жұмысының мазмұны мен формалары балалардың мүмкіндігін ескеру арқылы нақтыланады. Мектепке дейінгі тәрбие бағдарламасы балалардың жан-жақты дамуын, олардың мектепке деген дайындығын қарастырады. Жас ұрпақты саналы, сергек етіп тәрбиелеу-отбасы мен балабақша қызметкерлерінің бірден-бір парызы. Қазіргі кезде өсіп келе жатқан ұрпақты тәрбиелеуде қойылған мақсаттардың бірі қоғамға пайдалы, үлкенге құрмет көрсетіп, кішіге қамқор бола білетін, жан-жақты дамыған жеке тұлғаны қалыптастыруда халық педагогикасының маңызы зор. Еліміздің ертеңі-бүгінгі бүлдіршінді тәрбиелеу-ең негізгі мәселелердің бірі. Оны шешудің басты бір тармағы-эстетикалық тәрбиенің дұрыс қолға алынуы . Эстетикалық тәрбиеде ерекше роль бейнелеу өнерінің еншісіне тиеді. Бейнелеу өнері тәрбие құралы ретінде баланың жеке басының жан-жақты қалыптасуына тікелей әсерін тигізеді. Бейнелеу іс-әрекеті кезінде баланың ақыл ойы жетіледі, адамгершілік қасиеттері, жағымды мінез-құлқы ерекшеліктері қалыптасады , көтеріңкі көңіл-күй пайда болады. Олар болмысқа эстетикалық көзқарастарды қалыптастыратын сезімдерге біртіндеп ауысып, күнделікті өмірден, әсемдік пен сұлулықты қабылдау арқылы көркем өнердің алғашқы дағдыларына жаттықтырады.

Балалардың саусақпен, губкамен сурет салып, жұмыс істеуі саусақ моторикасының дамуы және тілінің дұрыс қызмет атқаруына әсер етеді. Баланың жан-дүниесі рухани жағынан нәр алып, оның айналадағы ортаны тану мүмкіндігі арта түседі. Алғашында бейнелеу өнерінің түрлері туралы түсініктер беріледі. Сурет салуға бейімдеу арқылы мүсіндеу, жапсыру арқылы сәндік қолданбалы өнерге, құрастыру сабағы арқылы сәулет өнерінің қыр-сыры жайында алғашқы түсінік беріледі дей келе өз баяндамасын аяқтады.

**Сөйледі:** Күн тәртібіндегі төртінші мәселе оқу - тәрбие жұмыстарының өткізілу барысы туралы бөбекжайдың әдіскері Бектемирова Ақбота Есенгельдыевна сөйледі. Ұйымдастырылған іс-әрекеттермен мен тәрбиелік іс-шаралардың барысын бақылау туралы айтты.





**Педагогикалық кеңестің хаттамалары**  
**№5 хаттама**

**Өткізілген орны:** «Бәйшешек» бөбекжайы

**Өткізілген күні:** 30.05.2023 жыл.

**Педкеңес мүшелерінің барлығы:** 11 адам

**Қатысқаны:** 11 адам

**Қатыспағандар саны:** жоқ

Күн тәртібінде қаралатын мәселелер:

1. Өткен педагогикалық кеңестің шешіміне есеп
2. 2023-2024 оқу жылының қорытындысы
3. Балалардың - Физикалық қасиеттерді дамыту;
  - коммуникативтік дағдыларды дамыту;
  - танымдық және зияткерлік дағдыларды дамыту;
  - шығармашылық дағдыларын, зерттеу іс-әрекетін дамыту;
  - әлеуметтік-эмоционалды дағдыларды қалыптастыру бойынша балалардың – мониторинг қорытындысы
4. Жазғы сауықтыру іс-шараларының жоспарын талдау, бекіту

**Сөйледі:** Педагогикалық кеңесті бөбекжай меңгерушісі Булекбаева Жанар Акбердіқызы ашып, күн тәртібіндегі қаралатын мәселермен таныстырды.

Өткен №4 педагогикалық кеңес шешімінің орындалуы туралы сөйледі. Бөбекжайда оқыту және тәрбиелеу жұмыстары мектепке дейінгі тәрбие мен оқытудың үлгілік бағдарламасы бойынша жүргізіліп жатқанын айтып өтті.

**Тыңдалды:** күн тәртібіндегі екінші мәселе бойынша бөбекжай әдіскері Бектемирова Ақбота Есенгельдыевна сөйлеп, 2023-2024 оқу жылында жүргізілген оқу тәрбие жұмыстарының қорытындысы туралы айтты. Оқу жылында педагог кадрлармен, балалармен жүргізілген жұмыстар жылдық жұмыс жоспары бойынша толық өткізілді. Оқу жылына алынған мақсаттар мен міндеттер бойынша педагогтар: баяндамалар, кеңестер оқып, тренингтер жүргізіп, ашық-ұйымдастырылған іс-әрекеттерін, ертеңгіліктер, ойын-сауықтар өткізіп жоспарға сай жұмыстар жүргізгенін айтып өтті.

**Жарыссөзге шыққандар:** бөбекжай меңгерушісі Жанар Акбердіқызы Булекбаева сөйлеп, биылғы 2023-2024 оқу жылындағы атқарылған жұмыстарға «жақсы» деген баға беріп, педагогтарға шығармашылық ізденіс пен табыс тіледі.



